



Jahresbericht vo dä Saison 2024/2025

Wie alli Jahr überlege ich mir was söll ich au verzelle: Fang ich mal vo ahfang ah. Im Juni wie immer isch euisi GV kurz und knackig über Bühne. Schön sind so viel cho.

Im August wie immer euisse trationelle Bowlingabig im Sorriso und natürlich wieder mit Spieler beteiligung. Es isch en guete abig gsih und mir händs lustig gah. Dä Joel Marchon da Dario Sidler und dä Mischel Ramel hät ammel gnosse mit euis. Dä Wanderpokal hät dä Marco Lütschg gwunne

Am 17.9 isches dänn losgange mit dä Saison in Davos.

Am 7.Dezember sind mir uf Biel gfahre an Matsch. Mir händ äh interessante Führig gah im Omega/Swatch Museum. Spannend wieviel Uhre dass es gäh hät und jedes Jahr gihts neui Kreationen. Nachher simmer fein go znacht ässä im Stadionrestaurant Mir händ lustig gah zämä isch gmüetlich gsih. Danke Karin für Organisieren.

Dä EHC Kloten hät ja sis 90. Jubiläumsjahr gah Es einige Events gah ich dära Saison. Gfietet worde isch im am 3 und 4 Januar schön isches gsih

Danke EHC es isch super gsih.

Am 1. Februar ist Raclettabig gsih. Danke ah alli wo cho sind so viel simmer no nie gsih. Danke au für die viele feine Dessert.

Ja und dänn am 1. März simmern o dä letzte Mastch zämä go luege ich dä Swisslife Arena. Vorgängig äh interessante Stadtführung und vorem Matsch feins Fondue ich Restaurant bim Stadion

Danke Yvonne für dini Organisation.

Über euisi Saison chönnt ich viel verzelle. Ja sie isch eifach mega gsih simmer doch echt mal uf Platz 1 gstande und am Schluss im Viertelfinal gägä euisi Nachbare dä ZSC. Mir händ gueti Spiel gah und weniger gueti aber am Schluss eifach äh tolli gueti Saison. Chömmer stolz si was mir für äh gueti geili Mannschaft gah händ.

Am schluss isch dänn euse Viertelfinal gägnere Schweizermeister worde

Gratulation an ZSC

Am 26. April isch euse Spaghettiabig gsih danke für choche Werni. Danke dä Yvonne und Karin für die tolli unterstützig dä ganzi Abig.

Und au da Rekord vo dä Ahzahl Mitglieder wo mit euis ähn gmüetliche abig gnosse händ.

WM in Herning bin ich äh Wuche Live däbi gsih und isch wieder einisch schön gsih gueti Spiel han ich gseh.

Am WM-Finalspiel euisi Buurestube guet gfühlt gsih leider häts au das Jahr nöd glanget für Gold.

Ich bin trotzdem stolz uf euisi SchwiizerNati

Und zum Schluss möchte ich mich bi eui allne hätzlich bedanke das Ihr immer ah euisi Ahläss chömmet und ich sitt vielen Jahren eui Präsidentin dörf si.

Eui allne es hätzlich Dankeschön das ihr däbi sind und ähn schöne Summer

Katzenrüti 8. Juni 2025

Eui Präsidentin Barbara